

# TEZĂUR LITURGIC

9 AUGUST

# ACATISTUL SOBORULUI SF. SOLOVEȚULUI



MOSCOVA, 2000



# **Ака́фист**

## **собору преподо́бных оте́ц, во ото́цах Солове́цких просия́вших**

### **Конда́к 1**

Избра́ннии вои́тели Христо́ви и благоче́стия подви́жницы, / преподо́бнии Зо́симо, Савва́тие и Ге́рмане со сподви́жники досто́йными, / ва́ми бо дивно́ просла́вися и́мя Госпо́дне во страна́х Беломо́рия, / и вся Ру́сская Це́рковь веселится́ о святы́ни ва́шей; / покланя́ющесе́ то́й, благода́рно вопие́м ва́м: Ра́дуйтеся, преподо́бнии отцы́ наши, вси́ святы́и Солове́цкии.

### **И́кос 1**

А́нгельским жити́ем жи́тельствовавше, отцы́ преблаже́ннии, безплотным подража́ти тща́щесе́ добродетельми́, чистото́ю те́х ду́шы своя́ убели́ли есте́, телеса́ истончи́вше труды́ по́стническими, я́ко а́нгели на земли́ пребы́вали есте́; мы́ же таково́му жити́ю ва́шему дивя́щесе́, сию́ похвалу́ прино́сим ва́м:

Ра́дуйтеся, ми́ра избе́гшии и во ото́ки морскія́ прише́дшии;

ра́дуйтеся, прише́ствием ва́шим мно́гих ко Христу́ приве́дшии.

Ра́дуйтеся, жи́тельство ино́ческое в пу́стыни се́верней созида́вшии;

ра́дуйтеся, по́двиги до́брыми и чуде́сы та́мо просия́вшии.

Ра́дуйтеся, ра́й благоцвету́щий во стране́ полуно́щней насади́вшии;

ра́дуйтеся, тоя́ язы́ки све́том и́стины Христо́вы просвети́вшии.

Ра́дуйтеся, я́ко труды́ мно́гими трудив́шиися во благоче́стии;

ра́дуйтеся, а́нгели земни́и и челове́цы небесни́и.

Ра́дуйтеся, преподо́бнии отцы́ на́ши, вси́ святии Солове́цкии.

### **Конда́к 2**

Ви́дяще лю́дие страны́ Помо́рския и Корельския, я́ко до́бре жи́тельствуете во оби́тели ва́шей, по́двиги дивны́я соверша́юще Бо́жиею благода́тию, приобща́хуся бра́тству ва́шему, и купно́ с ва́ми воспева́ху Христу́ Богу: Аллилу́иа.

### **И́кос 2**

Ра́зумом небесным́ просвеща́еми, неразу́мие живу́щих во стране́ се́верней просвети́ли есте́ от неверия́ к ве́ре и́стинней обра́щением: ти́и бо ра́достно сле́доваху стезя́ми ва́шими, учи́телей до́брых ва́с почита́юще. Сотвори́те и на́с

недостойных ученики́ ваша́ бы́ти, да весе́лием глаго́лем вам:

Ра́дуйтеся, Вседержителя́ Бо́га ве́рнии служители́;

ра́дуйтеся, священнѣх ото́ков священни́и жители́.

Ра́дуйтеся, мно́гия ско́рби и бе́ды и нападе́ния вра́жия претерпе́вши;

ра́дуйтеся, Го́спода ра́ди вся́ блага́я ми́ра сего́ презре́вши.

Ра́дуйтеся, Крест Христо́в с любо́вию ве́лиею поде́мши;

ра́дуйтеся, сла́дость райскую́ ещѣ́ на земли́ вкуси́вши.

Ра́дуйтеся, плоть́ свою́ со страстьми́ и похотьми́ распѣ́нши;

ра́дуйтеся, благода́ть у Го́спода обрѣ́тши.

Ра́дуйтеся, преподо́бнии отцы́ на́ши, вси́ святии Соловѣцкии́.

### **Конда́к 3**

Си́лою Вы́шняго укрепля́еми, отцы́ всечестни́и, лю́тых страсте́й победители́ яви́стеся, борѣньми крепкими́, молитвами слѣзными́, труды́ бденными́ си́лу вра́жию низложи́ли есте́. Те́м изба́вьшеся злы́х помы́слов и безстра́стием украси́вшеся, любо́вию воспѣ́ли есте́ любя́щему вас Бо́гу: Аллилу́иа.

### И́кос 3

Имѹще сердца́ своя́ горѣ, в небѣсныхъ обителехъ сокровище себѣ собирали есте, досточюднии, и, многими дары́ Всещедрого́ Бога́ обогатившеся, данная́ вамъ отъ Него́ во сто кратъ приумножили есте. Тѣмже, прославляюще́ подвиги́ ва́ша, со умилѣниемъ взыва́емъ вамъ:

Ра́дуйтеся, нището́ю духо́вною Ца́рство Небѣсное сниска́вшии;

ра́дуйтеся, мудрова́ниемъ смире́ннымъ миръ непоколебимъ в душа́хъ стяжа́вшии.

Ра́дуйтеся, кротостию́ ду́ха зе́млю кроткихъ наследова́вшии;

ра́дуйтеся, чистото́ю серде́чною а́нгеломъ приобщившиися.

Ра́дуйтеся, я́вльшиися сокровище́ неизжива́емое Солове́цкой обители́;

ра́дуйтеся, ино́комъ ея́ заступни́цы и покрови́тели.

Ра́дуйтеся, мона́ховъ мно́жества наста́вни́цы;

ра́дуйтеся, Христо́ви ве́рнии избра́нни́цы.

Ра́дуйтеся, преподо́бнии отцы́ на́ши, вси́ святии́ Солове́цкии.

### Конда́к 4

Бу́ря напа́стей не возмо́же возмутити ти́шины ду́ш ва́ших, в Бо́зе уста́вленныхъ и моли́твою къ Немѹ́ управля́емыхъ: отъ Того́ бо да́ръ чудотворе́ний прие́мше, бу́ри морски́я и житейски́я

укрощаёте, вспомошествоюще от тех страждущим. Тёмже спасшиися от бед заступлением вашим велегласно воспевают Богу: Аллилуиа.

#### **Икос 4**

Слышавше людие о чудесех велиих, содеваемых вами, и о помощи, неоскудно подаемой прибегающим к вам в молитвах, укрепляхуся верою ко святыни вашей, и представителей добрых вас пред Богом полагающе, хвалу воздаваху вам пении сицевыми:

Радуйтесь, в мори плавающим благоутинии управители;

радуйтесь, от гибельнаго потопления вернии избавители.

Радуйтесь, вопиющих к вам о помощи скории услышатели;

радуйтесь, печальных и обременённых тяготами житейскими утешители.

Радуйтесь, спутницы благонадёжнии шествующим путём прискорбным и тесным;

радуйтесь, ходатаи теплии о таковых пред Отцем Небесным.

Радуйтесь, труждающимся труды честными помощницы усерднии;

радуйтесь, Божественных повелений исполнители твёрдии.

Ра́дуйтеся, преподо́бнии отцы́ на́ши, вси свя́тии Солове́цкии.

### **Конда́к 5**

Боголюбе́знии тру́женицы́ нивы́ духо́вныя яви́лися есте́, отцы́ преблаже́ннии, желáнием Божéственным побежда́юще вся́ мудрова́ния земна́я, попече́ния ина́го не иму́ще, ра́зве о сла́ве Господней и о спасе́нии ду́ш ва́ших, е́же и достиго́сте любо́вию Бо́жиею невозбра́нно. ны́не в вéчной сла́ве его́ пребыва́юще, с ли́ки Небе́сными воспева́ете Богу: Аллилу́иа.

### **И́кос 5**

Ви́девше врази́ ро́да челове́ческаго добродéтельное житиé ва́ше, я́ко по́двиги до́брыми в Ца́рство Небе́сное пу́ть себе́ удо́бне уготовля́ете, мно́гажды тща́хуся воспя́тити ва́м и погуби́ти нападе́нием лука́вых супоста́тов: ва́шими же моли́твами ти́и всегда́ посра́млени отхожда́ху, оби́тели и ото́ком си́м николи́же могу́ще вреди́ти. Те́м с благода́рением сердечным поём ва́м си́це:

Ра́дуйтеся, земли́ Солове́цкой неусы́пнии хранители́;

ра́дуйтеся, ти́шины и ми́ра ея́ наде́жнии защи́тители.

Ра́дуйтеся, все́х враго́в ея́ неща́дно прогоня́ющие;

ра́дуйтеся, все́х живу́щих в не́й от злы́х напа́стей огражда́ющие.

Ра́дуйтеся, вся́кия лжи́ и ле́сти гро́знии обли́чители;

ра́дуйтеся, пра́вды Бо́жия до́блественнии ревни́тели.

Ра́дуйтеся, и́стины Христо́вы немол́чнии пропове́датели;

ра́дуйтеся, дре́вним святы́м досто́йнии послéдователи.

Ра́дуйтеся, преподо́бнии отцы́ на́ши, вси́ святии Солове́цкии.

### **Конда́к 6**

Пропове́дует Це́рковь Правосла́вная свя́тость жити́я и вели́чие по́двиг преподо́бных оте́ц Солове́цких, хвалу́ возда́ючи се́му́ досточти́мому собо́ру пе́нием духо́вным, дивна́го же во святы́х Свои́х Бога́ радостию прославля́ет, пою́щи: Аллилу́иа.

### **И́кос 6**

Возсия́ла е́сть ва́ми, досто́блаже́ннии отцы́, во стране́ полу́нощней сла́ва Еди́наго И́стиннаго Бога́, в Тро́ице покланя́емаго: е́юже просла́вишася морсти́и ото́цы, Боже́ственным свяще́нием освяти́шася, благода́ти преизоби́льно испо́лнишася. Сего́ ра́ди чту́щии святы́ню сию́ притека́ют се́мо и по досто́янию пою́т ва́м:

Ра́дуйтеся, благода́ть Госпо́дню ото́ком  
Солове́цким усво́ившии;  
ра́дуйтеся, в жили́ще премудро́сти Бо́жия сия  
угото́вившии.

Ра́дуйтеся, Го́спода пред очима́ вну́тренними  
при́сно имев́шии;  
ра́дуйтеся, на криле́х добродете́лей в Го́рний  
Сион возлете́вшии.

Ра́дуйтеся, подви́зающимса́ по́двигом  
духо́вным вспомо́ществу́ющи;  
ра́дуйтеся, мона́шескаго де́лания о́браз  
показу́ющи.

Ра́дуйтеся, дивна́я зна́мения и чуде́са  
явля́ющи;  
ра́дуйтеся, Бо́га в Це́ркви преподо́бных  
прославля́ющи.

Ра́дуйтеся, преподо́бнии отцы́ на́ши, вси́  
свя́тии Солове́цкии.

### **Конда́к 7**

Хотя́ще мирскія суе́ты избежа́ти и еди́ному  
Бо́гу порабо́тати, в пусты́нных ото́цех  
водвори́лися естé, преподо́бнии, у челове́к убо  
забвённых, у Бога́ же возлю́бленных, моле́ний  
фими́амом облагоуха́вше я́ и по́двиги трудо́в  
возде́лавше, Бо́гу непреста́нно пе́снь пою́ще:  
Аллилу́иа.

## И́кос 7

Но́вии чудотво́рцы и уго́дницы Бо́жии пока́заетея, преподо́бнии отцы́ на́ши: вы́ше естества́ жити́е я́вили есте́, си́лою Бо́жиею укрепля́еми. На́ше уны́лое жити́е оживотвори́те чудны́ми дыха́нии те́плых моли́тв ва́ших, да ветхости́ совлéкшеся, добродéтельми обновимся́ и умилéнно воспо́им вам:

Ра́дуйтеся, я́ко ва́ми Вы́шняго премудро́сть оправди́ся;

ра́дуйтеся, я́ко ва́ми и́стина Господня́ утверди́ся.

Ра́дуйтеся, я́ко по́двиги ва́шими ото́цы Соловѣцкии просла́вишася;

ра́дуйтеся, я́ко усерди́ем ва́шым на спасéния стези́ ино́к мно́жества наста́вишася.

Ра́дуйтеся, в за́поведех Господних́ поуча́ющимся му́дри и учи́тели;

ра́дуйтеся, обра́щающихя́ ко Христу́ блази́и попечители́.

Ра́дуйтеся, жела́ющим спасти́ся неоску́дно по́мощь пода́ющихи;

ра́дуйтеся, в го́рния оби́тели ко Го́споду зову́щихи.

Ра́дуйтеся, преподо́бнии отцы́ на́ши, вси́ свя́тии Соловѣцкии.

## Конда́к 8

Стра́нницы бы́сте во юдо́ли земно́й, отцы́ преблаже́ннии, восходя́ще душо́ю в Небесны́я кро́вы, жела́ние се́рдца ва́шего в вы́шнем положи́ли есте́. ны́не жела́ние сие́ улучи́вше, в до́му Бо́жии пребыва́ете, со все́ми святы́ми пою́ще Бо́гу ве́чную пе́снь: Аллилу́иа.

## И́кос 8

Все́х ва́с, избра́нников Свои́х, от суе́ты мирски́я приведе́ Госпо́дь к жити́ю надми́рному: во о́нем благоче́стно дни́ сво́я сконча́вше, соверше́нства ино́ческаго дости́госте. Мы́ же о́браз жити́я ва́шего во очесе́х мы́сленных иму́ще и кончи́ну ва́шу че́стну на па́мять приводя́ще, возно́сим ва́м хвалéния си́цевая́:

Ра́дуйте́ся, в тяжестех́ трудо́в мона́шеских на Бо́га упова́вши;

ра́дуйте́ся, спасéние Его́ все́м се́рдцем позна́вши.

Ра́дуйте́ся, в та́йных селе́ниях Госпо́дних ду́хом обита́вши;

ра́дуйте́ся, вели́чества Непости́жимаго и сла́вы Его́ трепета́вши.

Ра́дуйте́ся, ны́не во оби́телях Небе́сных пребыва́ющи;

ра́дуйте́ся, чудодо́йственную по́мощь лю́дем свы́ше проти́рающи.

Ра́дуйтеся, враго́в спасе́ния на́шего  
устраша́ющей;  
ра́дуйтеся, красо́тою по́двиг ва́ших Це́рковь  
украша́ющей.

Ра́дуйтеся, преподо́бнии отцы́ на́ши, вси́  
свя́тии Солове́цкии.

### **Конда́к 9**

Все́ естество́ А́нгельское диви́тся чу́дному  
жити́ю ва́шему, я́ко безплóтным подо́бящеся, в  
по́стничестве неосла́бнем, в трезв́ении бде́нном,  
в моли́твах непреста́нных на земл́и пребы́вали  
есте́: те́м укрепля́юще ва́с в безме́рных трудéх  
ва́ших, воздвиза́ху ва́с на похвалу́  
Божéственную, вку́пе с ва́ми пою́ще: Аллилу́иа.

### **И́кос 9**

Ветии́ многовещáннии не мо́гут по́двиги ва́ша  
по достоя́нию просла́вити, досто́блаже́ннии;  
недоуме́ют бо, како́ во ото́цех се́верных, а́ки во  
стране́ полу́денней жи́тельствовали есте́ и  
подо́бницы вели́ким отце́м пусты́нным бы́ли  
есте́. Мы́ же ве́лию ми́лость Бо́жию ко  
отре́кшимся себе́ во и́мя Его́ ве́дяще, воспева́ем  
вам тако́вая:

Ра́дуйтеся, благода́тию Свята́го Ду́ха  
осия́ннии;  
ра́дуйтеся, то́ю к по́двигом преподо́бия  
призва́ннии.

Ра́дуйтеся, во мр́азе лю́те то́ю согрева́емии;  
ра́дуйтеся, пи́щею нетле́нною ще́дро  
снабдева́емии.

Ра́дуйтеся, Ду́хом восхища́емии в Небесны́я  
обители;

ра́дуйтеся, я́вльшиися тѣх приснора́достнии  
жители.

Ра́дуйтеся, благода́ти Бо́жия неизрече́ннии  
тайнницы;

ра́дуйтеся, дерзнове́ннии о нас ко Го́споду  
молитвенницы.

Ра́дуйтеся, преподо́бнии отцы́ на́ши, вси́  
святии Солове́цкии.

### **Конда́к 10**

Спасти́ хотя́ще ду́шы своя́, в ру́це Имúщему  
спасе́ние всеце́ло преда́ли есте́ их, блаже́ннии, и  
преизлива́ющиися сосúды благода́ти сотвори́сте  
их. Боже́ственным восхожде́нием на вы́соту  
добродете́лей восходя́ще, Бо́гу хвале́бную пе́снь  
воспева́сте: Аллилу́иа.

### **И́кос 10**

Стена́ необори́мая яви́стеся бра́тству  
Солове́цкому и все́м притека́ющим под кро́в  
обители ва́шей, досточúднии уго́дницы Бо́жии,  
от напа́стей и бе́д огражда́юще их благомо́щною  
свое́ю моли́твою. Сего́ ра́ди на заступле́ние ва́ше

пред Бóгом и по́мощь упова́юще, взыва́ем к ва́м хвалéнии тако́выми:

Ра́дуйтесь, в не́мощих нас посещáющими;  
ра́дуйтесь, от падéний грехо́вных нас  
избавля́ющими.

Ра́дуйтесь, недúги душéвныя и телéсныя  
врачу́ющими;

ра́дуйтесь, в закóне Госпóдни ходя́щим  
вспомоществу́ющими.

Ра́дуйтесь, из бéздна страстéй челове́ки  
изводя́щими;

ра́дуйтесь, милосéрдие Госпóдне на всёх  
низводя́щими.

Ра́дуйтесь, врагí Бóжиеи и собла́зны вéка сего́  
расточáющими;

ра́дуйтесь, со всёми свyты́ми днé прише́ствия  
Госпóдня ча́ющими.

Ра́дуйтесь, преподóбнии отцы́ на́ши, вси́  
святии Соловéцкии.

### **Конда́к 11**

Пéние благодарственное непрестáнно  
возно́сим ва́м, преподóбнии отцы́ на́ши; ва́ми бо  
обрето́хом сию́ достосла́вную кино́вию, ва́ми  
спаси́тельная благода́ть Госпóдня простре́ся во  
ото́цех Соловéцких и во всёй стране́  
полуно́щней; сего́ ра́ди па́мять ва́ша ми́лостию  
Бóжиею повсю́ду досто́йно почита́ема бывáет. И

мы́ просла́вляюще́му вас́ Бо́гу всера́достно  
взыва́ем: Аллилу́иа.

### **И́кос 11**

Свети́льницы́ светоза́рнии, над бе́здной  
мирска́го мятéжа горя́щи, яви́стеся  
преподóбнии отцы́ Соловѣ́цкии, свѣ́том  
Христóвым осиява́юще богоизбра́нныя ото́ки. Не  
презрите во оби́тели ва́шей жи́тельствующих и  
всех, véрою к вам притека́ющих, милосѣ́рдие  
Бо́жие к нам приклоните, да благода́рным  
сѣ́рдцем вы́ну воспева́ем вам:

Ра́дуйтеся, свѣ́том Боже́ственным нас  
просвеща́ющими;

ра́дуйтеся, во́ду живу́ю богопозна́ния нам  
источа́ющими.

Ра́дуйтеся, в де́лании за́поведей Господ́них нас  
му́дро наказу́ющими;

ра́дуйтеся, в Ца́рствие Небе́сное пу́ть ве́рный  
нам указу́ющими.

Ра́дуйтеся, в не́дрех ото́ков морски́х  
почива́ющими;

ра́дуйтеся, нетле́нными мо́щми́ ва́шими  
страну́ нашу освяща́ющими.

Ра́дуйтеся, чудеса́ и исцелѣ́ния во изоби́лии  
творя́щими;

ра́дуйтеся, святи́ню Божию́ в неоскуде́нии  
храня́щими.

Ра́дуйтеся, преподо́бнии отцы́ на́ши, вси́ святии Солове́цкии.

### **Конда́к 12**

Благода́тию Божию́ вся́ подвиги соверши́ли есте́, премуд́рии, дела́ дивна́я и до́брая показу́юще, насле́дие неизжива́емое на́м оста́вили есте́. Сѣмъ бога́тящеся и утвержда́ющеся в добродете́лех, по́ем да́вшему ва́м кре́пость и просла́вльшему ва́с Богу: Аллилу́иа.

### **И́кос 12**

Пою́ще благопло́дное жити́е ва́ше, труды́ богоуго́дными, чудесы́ и благодатными явлени́и исполненное, благода́рени́е прино́сим ва́м, преподо́бнии, моли́твами всеси́льными ва́шими укрепля́еми, и ко исполне́нию во́ли Госпо́дни воздвиза́еми, на по́мощь ва́шу упова́юще зове́м ва́м:

Ра́дуйтеся, добродете́льми дивными́ и по́двиги сия́ющими;

ра́дуйтеся, в моли́твах ва́ших к Бо́гу на́с не оставля́ющими.

Ра́дуйтеся, а́ще и не поимено́ваннии у челове́к, у Го́спода вси́ изочтѣннии;

ра́дуйтеся, Ца́рства Бо́жия насле́дницы́ благослове́ннии.

Ра́дуйте́ся, де́ла Го́сподня по́мощию Его́ соверша́ющие;

ра́дуйте́ся, вели́чие Боже́ственное свя́тостию ва́шею явля́ющие.

Ра́дуйте́ся, по́мощь тре́бующим всеще́дро пода́ющие;

ра́дуйте́ся, но́ву пе́снь Го́сподню на землѣ живых пою́щие.

Ра́дуйте́ся, преподо́бнии отцы́ на́ши, вси́ свя́тии Соловѣцкии.

### **Конда́к 13**

О́, пресла́вное и предивное мно́жество святы́х землѣ Соловѣцкой, яко́ безчи́сленныя свещи́ сия́ющее в пусты́ни ото́ков се́верных! Се́ преклоня́ем главы́ пред святы́нею ва́шею, пред вели́чием по́двиг и чуде́действием моли́тв. Мо́лим ва́с усер́дно: заступите́ во оби́тели ва́ми просла́вленной жи́тельствующих и все́х христиа́н, в ве́це се́м многомяте́жнем Бо́гу угоди́ти тща́щихся. Испросите́ у Всеми́лостиваго Влады́ки прощѣ́ния и оставле́ния все́х на́ших прегреше́ний и душа́м ве́чнаго спасѣ́ния, да в ра́дости неизглаго́ланней оби́телей Небе́сных вку́пе с ва́ми воспо́ем Всеще́дрому и Всебла́гому Бо́гу: Аллилу́иа.

## Молитва 1

О, славный соборе, святии земли Соловецкой, преподобных сословие, пустынников сонме, иноков личе! Соблазном века сего умертвившися, временному вечное предпочетше, вы вселением в морския отоки в работу Господу себе всецело предали есте, паче же песка морскаго умножистесь и паче звезд небесных сияете ныне в невечернем Царствии Владыки Христа Бога. Святится земля сия подвиги вашими, живет благоухаючи вашими молитвами, трепещет содержащи честныя мощи ваша, и во времена последняя освящена бысть кровию мученическою, за веру Христову zde излиявшеюся. Все святии Соловецкии, ихже имена вемы и не вемы, венцы нетленными от Господа увенчавшиися, и ризами убеленными одеявшиися, благословеннии наследницы Горняго Иерусалима, молитесь Бога о обители вашей и братии ея, и о всем Отечестве нашем: да в любви и единомудрии воинствует святая Церковь Православная, да вера наша пребывает неприкосновенна злу, да дарует нам Господь силу ю исповедовати, и аще потребно будет, вся за ню претерпети, и даже до дне суднаго непорочну сохранить и неосужденно предстати Престолу Царствия Его и со всеми святыми

вѣну прославляти держа́ву, и великолѣ́пие, и человеколю́бие Его́ во вѣ́ки веко́в. Ами́нь.

## Моли́тва 2

О́, Божѣ́ственный по́лче, небеснии во́ини Христа́ Бо́га, преподо́бнии и богоно́снии отцы́ Соловѣ́цкии! Вы́ пѣ́рвее ра́лом ева́нгельских учѣ́ний ду́шы своя́ плодоно́сны яви́ли есте́, по́слежде и непло́дную пусты́ню сию́ я́ко благоцвету́щий ра́й соде́лали есте́ и яви́лися есте́ жѣ́ртвы благоприя́тныя Бо́гу, преобразивше́ся умнымъ де́ланием, во свѣ́те невечѣ́рном узрѣ́ли есте́ бу́дущия жи́зни сла́ву. Божѣ́ственным огне́м ду́шы своя́ возже́гше, востекли́ есте́ в Сио́н го́рний, и нетва́рнаго свѣ́та причасти́лися есте́. Те́мже и на́м на землѣ́ су́щым, ходата́йствуйте душáм спасѣ́ние, земныхъ пло́дов изобилие, времена́ мирна, блага́, да и мы́ недостой́нии, направля́емии ва́шими моли́твами, поне́ на ко́нѣц на́шего многомяте́жнаго жити́я, возлюбимъ вѣ́чная па́че вре́менных, и во еди́нонадеся́тый час, пора́ботаем со усѣ́рдием Небе́сному Домовла́дыце Христу́, и услы́шим Его́ благоуве́тливый гла́с: приидите насле́дуйте угото́ванное ва́м Ца́рство от сло́жения ми́ра. Ами́нь.